



Allas proprietarias ed als proprietaris
pertuccai ella Vischnaunca da Medel (Lucmagn)

collaboratur/a Conrad Derungs
referenza E.7000.1163.0005.3.*50037319 De Gu
Glion 30.05.2022

**Vischnaunca da Medel (Lucmagn), mesiraziun funsila, MU-GWR sort 4
Exposiziun publica, scriver d'informaziun**

Stimadas dunnas e preziai signurs

Cantun e Confederaziun exequeschan el mument il project completaziun dallas adressas enteifer la mesiraziun funsila ed il register d'objects e d'adressas. Cheutras vegnan tuts objects enteifer la mesiraziun ed il register d'objects harmonisai e purificai. Plinavon ston tuts baghetgs senza adressa vegnir adressai e tschaffai da niev.

Tier la completaziun dallas adressas ein certas adattaziuns d'adressas existentas nunevitablas per ademplir las prescripziuns e cheutras contonscher ina adressaziun homogena sur l'entira Svizra. Igl Uffeci federal da statistica ha en cuvegna cugl Uffeci federal da topografia (swisstopo) relaschau prescripziuns obligontas e homogenas per la registraziun dils objects. Talas ha la survigilonza da mesiraziun cantunala concretisau ell'instrucziun dallas adressas.

Ella vischnaunca da Medel (Lucmagn) existeva l'adressa entochen dacheu dil num local e dalla numera da segirada. Quella numeraziun heterogena e la munconza d'ina exacta navigaziun ha meinsvart caschunua pres-taziuns supplementaras sco era munchentau da cattar la dretga adressa a temps.

Sin proposta dalla survigilonza cantunala da mesiraziun ha la suprastonza communal perquei decidiu da sur-luvrar las adressas existentas. Ils avantatgs da harmonisaziun contonschida lubeschan d'anflar l'adressa pli sempel e spert per la posta, tuts furniturs, per hosps sco era per las organizaziuns d'intervenziun urgenta (poli-zia, pumpiers, sanitad) nua gia paucas minutas san decider sur da veta e mort. Plinavon semplifichescha ina adressaziun logica tut las lavurs administrativas per interpresas, uniuns ed era per la vischnaunca sezza.

Als representants dalla vischnaunca eis ei cunscient, ch'ina midada d'adressa munta el mument malempeneiv-ladads e lavur supplementara. Ils avantgs a liunga veta per tuts pertuccai ein denton da valetar pli ault e giustificheschan las midadas.

Da niev consista l'adressa ord il num dalla via, d'ina numera casa independenta sco era dalla cefra postala e dil vischinadi. Las novas adressas ein vesiblas ord ils plans d'exposiziun. Tals plans ein era accessibels sur igl inter-net sut la pagina dalla vischnaunca. Las novas adressas van en vigor cun igl 1. d'october 2022. Sin quei termin succeda la nova signalisaziun (tablas da vias e numeras casa). Nus supplichein Vus da medemamein communi-car Vossa nova adressa sin quei termin a tut Vos contacts postals. Sco muossavia gida era la gliesta da con-trolla aschuntada. Leutier aunc suandontas remarclas:

Communicaziun alla posta: La vischnaunca informescha la posta sur dallas novas adressas. Lezza vegn sinaquei a midar las adressas senza cuosts.

Uffeci per il traffic sin via, register da commerci: La vischnaunca vegn medemamein ad informar tals uffecis, aschia che Vus saveis pretender la midada d'adressa senza cuosts supplementars (aschuntar mintgamai ina copia da quei scriver tier la damonda).

Nus sperein da haver surviu en caussa e stein per ulteriur sclariment bugen a Vossa disposiziun.

Curteseivlamein salida
Cavigelli inschigniers

K. Vieli

C. Derungs

Annexas

gliesta da controlla, text da publicaziun